

«ՊԱՏՄԱ-ՔԱՆԱՍԻՐԱԿԱՆ ՀԱՆԴԵՍ»-Ի

ԼԵՄԷԱԳՐՈՒԹՅԱՆ

Հայկական ՍՍՀ գիտությունների ակադեմիայի նախագահությունը ջերմորեն ողջունում է «Պատմա-բանասիրական հանդես»-ի խմբագրությանը՝ «Հանդես»-ի լույս բնծայման 10-ամյակի կապակցությամբ:

Իր շուրջը համախմբելով Հայաստանի ու Սովետական Միության գիտնականներին, ինչպես նաև արտասահմանյան երկրների հայ և այլազգի առաջավոր հայագետներին, «Հանդես»-ը իր գոյության 10 տարիների ընթացքում արդյունավետ աշխատանք է կատարել հայ ժողովրդի պատմության, զրականության, լեզվի, արվեստի, փիլիսոփայության և մշակույթի այլ բնագավառների հարցերի և չլուսարանված մի շարք պրոբլեմների բնահարկման ու լուծման գործում, իր կշեռում լուսարանել է հայագիտության և կովկասագիտության տեսական խնդիրներ, ընդհանուր պատմագրության ու բանասիրության հարցեր, հայ ժողովրդի բազմազան, տնտեսական և մշակութային կապերը այլ ժողովուրդների հետ, Սովետական Հայաստանի գիտության ու մշակույթի նվաճումները, սիյուտիստիկ գիտական, հասարակական-բանական ու մտավոր կյանքը:

Կատարված արգասավոր աշխատանքի շնորհիվ «Հանդես»-ը դարձել է հայագիտության կարևորագույն օրգանը, արժանանալով համաշխարհային նանաշման:

Գիտությունների ակադեմիայի նախագահությունը հետագա հաշտություններ է մաղթում «Պատմա-բանասիրական հանդես»-ի խմբագրությանը՝ իր առջև կանգնած գիտական լուրջ խնդիրների առավել հաշտ կատարման գործում:

ՀՍՍՀ ԳԱ պրեզիդենտ, ակադեմիկոս Վ. Հ. ՀԱՄԲԱՐՉՈՒՄՅԱՆ,
Ակադեմիկոս-բարտուղար Գ. Ս. ԳԱՎԹՅԱՆ

Այս համարով «Պատմա-բանասիրական հանդես»-ը բոլորում է իր գոյության տասնամյակը:

Անցած տասը տարիների ընթացքում «Հանդես»-ը իր էջերում ֆենարկել է հայ ժողովրդի պատմության, լեզվի, գրականության, արվեստի, փիլիսոփայության և մշակույթի այլ բնագավառների հարցեր, հայագիտության տեսական խնդիրներ, լուսարանել է հայ ժողովրդի ֆաղափական, տնտեսական ու մշակութային կապերը մյուս ժողովուրդների հետ, Սովետական Հայաստանի գիտական ու մշակութային նվաճումները: Գիտական ֆենարկումների ու բանավեճների բաժնում տպագրված հոդվածները իրանել են ստեղծագործական բանավեճների ծավալմանը, գիտական հարցերի մարֆսիստական-լենինյան լուսաբանությանը:

Իր առաջն կրված խնդիրները հաջողությամբ կատարելու համար «Հանդես»-ի խմբագրությունը աշխատել է իր շուրջը համախմբել Հայաստանի, Սովետական Միության և արտասահմանյան տարբեր երկրների՝ հայագիտությամբ և նրան առնչվող հարցերով զբաղվող առաջավոր գիտնականներին և համատեղ ջանքերով առաջ մղել հայ ժողովրդի պատմության ու մշակույթի ուսումնասիրությունը: Խմբագրությունը հատուկ ուշադրություն է դարձրել հայագիտության հանգուցային ու այժմեական հարցերին նվիրված հոդվածներին ու հաղորդումների հրապարակմանը: «Հանդես»-ում զգալի տեղ են գտել աղբյուրագիտական աշխատությունները, հնագիտական պեղումների արդյունքները, հին մատենագրական բնագրերի, արխիվային փաստաթղթերի և ակադեմիկոս հայագետների անտիպ ուսումնասիրությունների հրապարակումները: «Հանդես»-ի էջերում գրախոսվել են Սովետական Միության մեջ և արտասահմանում լույս տեսած կարևորագույն հայագիտական աշխատությունները: «Հանդես»-ը իր ընթերցողներին յայնուրեւ ծանոթացրել է Սովետական Հայաստանի գիտահետազոտական հիմնարկների աշխատանքներին, գիտության, գրականության, արվեստի նվաճումներին, սովետական և արտասահմանյան հայագետ պատմաբանների, գրականագետների ու արվեստագետների գործերին, սվյուտաֆայ գիտական, հասարակական-ֆաղափական ու մտավոր կյանքին:

Անցած տասնամյակը նշանավորվեց ինչպես մեր մեծ հայրենիքի, այնպես էլ Սովետական Հայաստանի ժողովրդական տնտեսության, մշակույթի և գիտության բուռն վերելքով: Այդ տարիներին մեր հանրապետությունում գիտության մյուս հյուղերին զուգընթաց խոշոր չափով զարգացան նաև հասարակական գիտությունները, առաջադրվեցին ու ուսումնասիրվեցին նոր պրոբլեմներ, հրատարակվեցին բազմաթիվ սկզբնաղբյուրներ, նշանակալից հետազոտություններ, որոնցից շատերը արժանացել են գիտական յայն նանաչման: Արդեն կարելի է խոսել հայագիտության զարգացման մի նոր, բարձր աստիճանի մասին: Այդ հանգամանքը, իր հերթին, մեր պարբերականի առաջ դնում է նոր լրացուցիչ խնդիրներ, որոնց լուծմանն էլ նվիրված են լինելու «Հանդես»-ի խմբագրության հետագա ջանքերը: